

鑑

止

水

齋

集

鑑止水齋集卷七

德清許宗彥

詩七

梁學士狼巾詩卷魏春岑

景萬

屬題

誰似之蟲作室工偷摹帝網小瓏圍碁也比羅囊

賭往日風流說兩翁

狼巾本嚴十區先生物梁葑林編修以圍碁決勝得之

頻羅居士書中聖餘事兼工體物詩三絕憑君好藏
弄釋蟲閒爲補農師

追題徐心如河督

端

水流雲在圖

杜陵句子至今新妙意閒中領略真穩坐磐陀心自
遠浮雲流水宰官身

頻年淮堰撼奔濤竹櫓千夫夜鼓礮當日王尊今不見大河東下日滔滔

心如先生軍營按視圖

襄漢妖氛連鄧汝尚書曾此按營回王尊暫輟行河
役龔遂真堪辦賊才堅壁便如屯細柳勞臣合與酌
金罍書生慣有譚兵口試問誰曾見敵來

長身豐幹策龍驤新 賜花翎出尚方錯仞黑雲都
將至能令黃首賊魂亡令嚴刁斗聲皆靜氣壯旌旗
色盡揚緩帶輕裘君莫訝中州元不是沙場

梁四郎新婚星槎員外 如升 招僕夫婦作鋪公

鋪母戲占

蜀錦吳綾碧間紅好將吉語祝東風
明年湯餅筵開處莫道微臣無寸功

奉陪梁學士於張簿公處食全羊余以病不能

啖

菊花低映竹根黃羅列方圓總一羊
肩髀乍分脂截玉經軀細析膾飛霜
廚孃知費連宵作病客才能一
哈嘗歸去布衾宵夢穩藏神元只戀蔬香

題李明府海上釣鼈圖

開濟元非百里才丹青寄興亦雄哉
請看如此垂綸

手陽鱗寧容入釣來

水香老人畫芙蓉爲家芋園刑部

學范

賦

欸署
清和

十日中山客中寫付植
子刑部得之米肆中

水香老人逸民伍何年去作蓉城主芙蓉一枝香一
國紙額畱題見遊跡遊跡當時溧水城綠陰亭館午
風清寧來木末騷人思寫出幽芳藝事精閣管沈吟
自珍惜不付賓朋付燕翼手澤從來多苦心百年黯
淡冰紈色通靈妙筆定何如流轉翻成乞米書耳孫
拜畫如覲祖鄭重裝池屢摩撫君不見渚蓮枯盡菊
敲斜芙蓉爛漫如蒸霞霜中獨抱高人韻鏡下還開

及第花

題杭端仁夜臺重會圖

奉倩情傷卅載前，影堂雙笑故依然。
疑年莫作枯楊訝，踐約真同破鏡圓。
世上三生空有石，天中六欲豈無禪。
娟娟修竹濛濛月，煙白燈青在者邊。

爲鄰醫題山中禪隱圖

蟬鳴野徑秋蛻羽，結霞想起伏眺前岡。
斲事孤往鉤牽謝塵累，藤蘿寄深賞山空。
萬木閒楂枒豁虛敞，竹煙笠底生葉雲。
衣袂上慧從黃面參，靜借連林養白業。
應早求前修真可，仰迴向心地初了義。
詮榆櫟

結鄰遠俗情披圖志蕭爽明當相約去三歸禮寶掌

題韻石齋筆談

鑑賞本韻事末流乃取鬧巧偷與豪奪利必鎗銖較
茲編記鼎事朗若溫犀照一生無長物方知孝伯妙
送平叔之閩

屈指青雲友如君誼最深十年判出處衰病忽侵尋
古井此身定甘棠異日陰預愁明發去別淚恐難禁
奉邀平叔偕嚴鄒兩太守至臯亭山看桃花

欲紆離緒借春妍夾岸芳林泊畫船香水濃薰華藏
海晴光豔照玉隆天暫如少壯誇遊興莫放飛英到

酒邊同調幾人殊
出處暮煙一散各茫然

擬古詩

憶與君別離
明月滿中衢
月圓幾百回流
照空牀
隅
今日衰老容
昔時玉雪膚
蛛絲網瑤琴
凝塵暗羅襦
思君未忍忘
不敢捐粉朱
君家十二樓
列侍千明珠
爭憐尚無術
十步九踟躕
賤妾復何爲
中誠抱區區
精衛思填海
閔此物情愚

鴻鵠有奇翼
其志隘四海
歲晚謀稻粱
意逐鳧雁改
青冥何寥廓
長風不相待
績麻常苦寒
藝粟常苦餒
君子履其常
幽居亦靡悔

讀山海經

異聞靡不紀古有山海圖夏鼎所未志伯益詳形模
刑天乳爲目欲與帝爭神欽鴆旣肆暴狃鴟解食人
桀黠構禍患祇以戮其身血腥汚后土草木爲不春
大哉宙合閒駭惑難具論大舜垂衣裳百怪咸亡奔

晉書五行志
引夏鼎志

六同年秋禊圖

王大令樂王大令庚期家太令
基家員外學范朱太守學泗陳

大令光鑑並同戊子鄉
薦是科先大夫爲舉首

竹溪稱六逸洛社集九老桂籍況同登尊鄉歸竝早
近乃接里閭遠者百里道歡然一尊酒此會古來少

興洽忘主賓譚深互傾倒秋風吹湖波晴旭滿芳草
梨顏回春溫玉色發華皓霜鶴有餘姿巖松無宿槁
披圖耿往念糜淚下盈抱當時冠羣英百歲期共保
羲暉忽不畱過庭跡已掃孤生對先友寸心怒如擣
哽咽難成章悠悠問蒼昊

題慧月天人品

屠緯真爲
徐翩翩作

一瓣蓮花一番剝不妨彈指證天身若知轉物歸清
淨莫向虛空更著塵

咏闌干

一桁碧如斯連廊復傍池曲吹涼月底袖冷晚春時

客散空花影風多足柳絲紅牆才一半遠已似天涯
縷瓜爲燈制甚工巧詩以咏之

生翠玲瓏照雪房熱中轉覺外清涼真同刻楮三年
巧欲奪捐金二等光卍字迴環珠斗璨雷文錯落錦
機張鄭心鎮後猶堪用腐草何煩聚練囊

題團扇

新裁紈素白于銀拂拂輕風動月輪欲入君懷寧可
卷不如腰扇鎮隨身

古腰扇卽今聚頭扇漢張敞以
便面拊馬亦其物也謂聚頭扇

始金章
宗誤矣

下山大士楊枝稿酷暑今年太邇人百萬農田方渴

雨可能化作大雲輪

示延敬

蚊口之利嗜膚血翼單腹壯遭指蔑鸚口之巧善語
言翅短狡密囚煩冤物猶如此況于人禦人以口良
不馴一時快意逞捷給弱者含慍強者瞋招尤召敗
豈他罪罪口之由弗可悔誦言如醉何其愚聽言則
對亦曰殆小時或以辯慧誇長者憐汝不疵瑕大來
誰肯更恕汝惡聲還復于汝加孔子恂恂百世師嗇
夫喋喋無所施舉策數馬保厥位期期艾艾名聲垂
戒汝不早我之恥汝不我聽亦已矣汝口啞然我心

喜

聞蟬

炎蒸中伏裏坐臥盡沈迷忽聽蟬聲唱心清落照西

寄程春廬郎中

同文時充會典館
總纂入直軍機

天邊列宿海邊查一別人間幾歲華憶到大羅疑夢
寐未成小隱漫煙霞沈舟閱水材先敗退鷁迎風路
轉賒欲就君平問消息此身南北等虛車

詞賦金門早自雄論文曾許酒杯同每嗤蝮蟻寒坏
戶遠想神鷹飽掣空六典書尊唐一代中樞府重漢
三公餘閒倘有江湖念莫惜清風與過鴻

詠史二首

長卿起當爐作賦登漢廷
雕琢靡曼辭能移人主情
蒼生長門道復聽宮車聲
坐令揮翰士激卬思青雲
早慕藺相如千載垂英聞
可憐牀頭書唯有封禪文
陳壽評諸葛將略非所長
凌準作邠志心薄郭汾陽
古來盛名下時或遭謗傷
謗傷亦何有盛名自長久
寂寥蓬華士終不挂人口
龜勉過一生遑用計妍醜

聽雨

臥病心無事
秋窗聽雨聲
簷光明復暗
簟竹膩還清
意有江湖適
身爲疢疾嬰
冥鴻亦何慕
雲外尚哀鳴

題吳明府子律

衡照

吟廊病趣圖

病病者不病因病修太平宴處觀物妙草樹天機榮
對坐者誰子忘言兩相親豈無高譚陳劔首一映耳
畫師錯作吟廊誇閉門索句翻成痕

雪和家質生

詩人耐冷惜年華愛見初番雪點斜空裏強飛還作
雨枝頭半著旋成花山容遠似沈沈睡梅信偏教故
故賒欲寫聚星堂內句敬傾凍墨字如鴉

朔風作意逞豪華頃刻瓊葩萬樹斜開戶寒光欺病
眼窺窗纖影舞空花銜枚斫敵才何有翦燭修書興

亦賒只合扁舟尋釣叟雲陰如夢聽嘔鴉

三白先春換物華燒痕回潤茁天斜收來瓦銚眞炊
玉掃向牆陰比葬花殘月有棱寒轉劇荒年少穀酒
難賒重簾不放清光入瑟縮低枝一凍雅

仲冬十五夜月

疎梅未著花殘雪猶在地平鋪一庭月凜冽挾霜氣
池冰明匹練竹影點輕翠香霧不知寒澹與幽光媚
而我病肺人窗戶自扁祕安得冰雪膚相對耿無寐

臘月初五日大雪

石米五千人苦飢飢口百萬向天啼天公無奈出祕

計橫安大磨青冥裏盡驅白雲入磨中磨雲作屑飛
滿空麴山粉海銀世界倏回荒歲成奇豐散花天女
來隨喜更踏玉龍背上戲粲然笑指袁家兒僵臥柴
門緣底事

問淨慈長老塵雲病

是身如芭蕉云何生苦患六大乖其恒九藏氣相叛
嘔呻不自禁憤憤坐憑懣譬彼泰西鐘牙軸脫鉤縮
怪鳴詫非時遲速惑早晏誰能洞一方細爲理審縵
神農本草經上品多勁悍庸醫不敢試相率尚選煥
表裏不分明鈔方襲舊案背癢而搔膝齒冷秦一緩

君家大醫王萬病付一貫亦有安般法籙諛斂散亂
神光迴默照尺宅自澡盥不爾念實相萬象了如幻
觀此器世間何物足爲難病從何處著開眼被熱謾
聊可慰俗子豈足惱禪觀況師定力堅木石視軀幹
住山三十年作務躬樵爨堂前五百衆食輪展一腕
經房次第營寶殿尤璀璨人天所讚仰劣魔焉敢玩
揮之智慧刃行見藕孔竄東風湖上回山南氣先暖
梅花窺紙窗破戒試一粲吾詩且勿酬佛法不怕爛
法眼語錄忽于非次聞時
衆人盡道鐘子怪鳴也

復雪用陳簡齋集春雪韻

臘前已三白復此紛然作倚柱看斜飛清于橋上鶴
不憂密點侵但畏北風惡煮茗坐空齋探梅孤宿約
萬瓦疊玉鱗千林網珠絡高館失池臺深巷埋蓬蘢
得句多陳言好景不可醉凍雀送殘年何殊舟負壑

食鯉魚骨

燕中侵曉市闔開關東魚鹿紛作堆鯉魚佳處祇在
首首骨細斫霜皚皚雪花撲簾上客至恒兼二者傾
滄醅浙西無鹿但有麋肉質麤劣無取材海底香桃
遠莫致入饌幾擬南山胎空張饞口西向笑十年不
到黃金臺冬郎棗筆住都下遠憶女弟緘明瑰朝來

子舍有商略是宜馨膳供南陔老夫占頤食指動廚
婢試手還疑猜芼以香橙和肉滑香浮翠釜鳴輕雷
凝脂宛對杜父面儁爽何殊王濟才餽鮓之美端不
讓竈觚無慮飛輕煤燕髀雞跖悉屏卻祇許江夏黃
童陪胸中似識故人面箸下疑挾霜風來年荒糲糲
亦適口況有臘釀添深杯先生飽食復何事南方候
暖春光催巡欄負手樂莫樂昨夜已放枝頭梅

除夕

箭漏聲相續於中忽判年明明有新故何處覓推遷
江海輸無盡乾坤一渾圓屠蘇雖後飲未用歎華顛

人日

元日到人日朝朝見雪飄
鬢爭新歲白梅折去年條
歡意暗中減春愁想處饒
西窗有銀燭豎坐對寒宵

題吳江族叔懷真草廬詩鈔

叔昔游瀕我方少往往譚詩失昏曉
此事經今三十年
聲吞宿草蕪寒煙
揭來吾弟時相見
一點詩心浮瘦面
膝前雛女學吟絮
北面中郎傳正變
開籬示我叔遺草
秀谷東風吐瑤草
情真意到不在多
三篇五篇自足寶
君不見達官刊集走
四方案頭突兀一尺強
百年有盡歸何處
不及江湖姓氏香

次前韻和嚴九能

眼明節物換年華，綵燕回風帶雪斜。
南國自來無此冷，空林長見不凋花。
羲輪欲碾愁仍斂，梅蘂將開信又賒。
米價日隨春水長，可能珠玉飼饑鴉。

明月元宵門素華，簫聲吹暖市坊斜。
驀驚掠地風如箭，又見漫天雨作花。
歡意暗從年運往，春光不共酒杯賒。
朔方聞說高盈丈，只恐平遮古木雅。

送金溪入都

送君歸北闕，柳色動津亭。
頭未爲郎白，眼終向客青。
莫嘲一把菜，曾應四宮星。
晁賈匡時策，傳來異日聽。

眼花

據案方作書一筆俄成兩初疑羊青禿繼訝飛白做
瞪視頻屢蹙始知眼生花兩光不相接眸子中成窟
我年未五十得此何太早人生會當爾收視亦大好
平生耽書策深夜戀一燈眼昏復何事惟應睡菅騰

元人枕易

昔人曾說吞三畫此日還看枕一斤倦向北窗拋鐵
搯涼生小簟戀香芸觀雷觀火黃梁熟弧脫弧張門
蟻紛跂腳悠然心太古從來傳註漫云云

題求古齋金石款識

三代彝器可深念江左當時已歆豔周鐘在縣共寶
旃齊尊出土非目驗唐人好事多詠歌頗斬筆墨題
敦盃道君一旦侈博古潛壤異物紛駢羅講明禮樂
亦虛語毋乃雁鼎忘譏訶後來汧波轉更甚青綠斑
斑爛雲錦辭愈詰曲文愈奇欲讀所嗟口先噤陳君
晚出揜羣有物聚所好蓋非偶吉金貞石不脛至終
日按筆忍離手蕭齋雨過風吹空斷霞飛墮几案中
古香如入清閤閣箸書突過薛尚功莖長臘廣說劔
制扶翼微義申司農以此求之得周尺何難九九生
黃鐘我生不識篆籀古那更舉丁與癸父世間藏弄

互是非明眼應知辨功苦

姚笙華

樟

遺汀蘭一盆涉冬已枯今年仲夏干

根下作花素心並蒂詩以紀之

故人歸嶺外移贈兩夫扛已分枯根委俄開素萼雙
交情元水澹豔想早心降無葉遮風日深宜貯瑣窗

明妃曲

保塞多年息戰塵輪臺悔禍願方伸大臣妙得安邊
策那爲君王惜美人

戰骨填沙草不春封侯命將漫紛紜當時合把毛延
壽畫作麟臺第一勳

青冢傳畱千載名才人辭賦尚縱橫春風何限承恩
女虛向深宮過一生

同王貽伯思鈞遊虎跑寺

緣山陟蒙密草樹發天香時于叢翠中忽露石骨蒼
橫斜丁頭皴片片含雲光瞻翫忘遠近迤邐入層岡
水聲石橋下濺濺風吹裳欲知寺門古松樾十圍強
清泉可我心胡餅酌言嘗歸途蠲煩暑眼目生清涼
乃知山水趣足以醒肺腸

題沈鍊師止止圖

閒於海上雲靜若磻底松燕坐寂萬慮丹田光熊熊

紫府在城市恍忽移靈蹤雲雷悶白晝劒拂生天風
洪崖與若士霧屨紛相從有時鶴唳杳滿院清陰濃
咸池次敦牂養疴臥樓中聞師談道妙豁我塵壒曾
一隔倏五年相見顏愈豐河上注道德上虞述參同
忘筌契元旨震月升樓東

鑑止水齋集卷八

德清許宗彥

詩八

坐鑑止水齋

仲夏庭樹茂窈然如深山微風吹雨過好鳥鳴間關
我心本無事對此意益閒借問安期子何用遠塵寰

夏日絕句

時天蒸潤過梅天香燼薰爐不散煙曉試曹家烏玉

玦筆鋒髯茹膩蠻牋

韋仲將筆墨法曰筆用羊青作
心名曰羊柱以免豪衣羊青使

中心高並去其穢毛使毛
不髯茹也見足本意林

騎雷花外轉匆匆一角雲昏一角明青篋懸知江路

近龍工取水學潮聲

一簣平山一曲廊也栽脩竹也垂楊碧闌干外羅羅
月乞與先生納夜涼

濃碧遮簷特地涼琴心遠引鶴來翔晚聞疏雨鳴高
葉飄落桐花滿逕香

風送鐘聲遠寺撞不眠漸覺睡蛇降無心更作誅蚊
賦豹腳隨它鬧夜牕

蝴蝶成團飛太急儵魚作隊去何忙微風自向空中
轉帶得游絲過粉牆

日午槐陰緩緩移空廊小鳥立多時簾中驀地聞人

語一片花飛踏上枝

發八斜飛各擅奇
五家棊勢更誰知
疎簾閒覆花泉

譜此事今人勝古時

桃花泉譜近時國手著

苔痕有意渡山石
竹影無心上畫屏
柳葉自長桐葉大
濃陰罨徧讀書廳

一點斜陽廣漢銜
殘虹宛宛落前巖
不知佳客能來

否定有明蟾照紵衫

廣漢見儀俗稱瓦將軍

輓梁山舟學士

湖山秋氣黯然悲
九十三翁謝世時
爭說百年寧不待
自傳千載定無疑
先朝侍從晨星大
過海聲名

戴斗知如此人亡天下惜傾河一慟豈吾私

日本國王子嘗

介賈人求公書琉球國人自太學歸過杭求一識公面海外莫不重公享名之盛近古未有也

不因止足賦歸田直爲幽居性所便多少孤寒感拚

踰生平清直厲冰弦衣無兼笥纔三襲屋比牽船稱

獨眠今日經過行坐處滿階芳草悴寒煙

公衣祇羊皮絲葛餘

皆不具

應從敬善泉邊去曾見南屏僧也無天上草星初斂

耀人間門限罷羣趨寒雲牆角封藤蔓古樹窗前叫

怪烏它日水仙王配食高風何止敵林逋

敬善泉見余小遊仙

詩注南屏僧者公年友嘉禾程氏僕王召主人遣往金陵中路墜驢有省歸辭主人出家至公處欲公乞

南屏聚虛大師爲落髮公以叢林例不薙染難之王
懇不已始以語聚虛則欣然曰此人與君及衲有緣
當集衆度爲侍者遂爲僧名際南號覺非未幾卽病
復請于公製龕依大僧法請聚虛親爲舉火及聚虛
示滅謂公曰覺非來矣公嘗以此事
語宗彥且曰吾沒時此僧亦當至也

中郎早識顧元歎吏部偏憐李習之名賤人方嗤末

學公亡誰更賞新詩經年屢問維摩疾薄技先窮持

水醫微笑遂成千古別西風吹淚不勝悲
易簣時宗彥在旁相

視微笑

輓姚姬傳先生

巍然江左兩靈光姚筆梁書各擅場膝疾成侯遂不
起瘡侵吏部又云亡西風江冰輪清淚北斗文昌掩

曙芒大令早跋

段懋堂先生

徵士馨

歎孝廉方正程易田先生

驚心者

舊盡凋傷

遊蹤憶過樅陽日宅相相招謁起居一見遽蒙稱國

士年來頻得奉魚書棲霞宿約真成負鍾阜移家定

不虛恨未韓門受師法便同哭寢轉慙余

先生書來云近欲遷

居金陵又云僕生平故人零落殆盡思得晤言以慰岑寂宗彥擬爲棲霞之遊便道上謁而未果也

物生

物生有本性不逐四時遷高林葉盡脫細竹方娟娟
士豈無特行甘與俗周旋吾將用吾法閉戶守殘編

題屠琴隴明府是程堂集後卻寄

詩人吾愛屠明府別集精刊見未曾長句健翻霜後
鶴聯吟清憶暑天冰曩與君苦熱聯句詩載集中莫將金馬高才
惜要使銅山宿儻懲君捕真州盛泉殆盡豈有文章不經濟看
君用意到陳登

觀近人詩集

天女時衰還退相明珠佩久亦無光江郎彩筆渾閒
卻老去空驚翰墨場

天下支川千七百黃流并入赴滄瀛阿誰曾踏崑崙
頂親見泉源一勺清

寄懷質生

一別忽春夏懸知但苦吟俗人誰具眼好句自開心
說項已焦舌依劉豈擇音徒將鍊詩骨那不鍊黃金
照垂楊何處不西風

聞蟬

弈碁

疏簾落子聲日過花前面斜飛勢爭出絡角態尤變
役神母乃愚遣日亦成倦意在一著先空枰還眷眷

蟬

微物亦何感蟬聲爲底愁夕陽收遠樹風露入新秋

聒耳清難厭空齋坐更幽絕勝三尺笛噠囀發齊謳

秋夜

四時秋最好秋氣此宵深可意一庭月照人橫素琴
蘭塘澄夜色竹露潤虛襟不須元子賞還爲達旦吟

八月十五夜

已愁薄暮雲催雨俄頃雲開雨氣收天上多情有明
月人間良夜此中秋清光看到桐陰直香霧遙連桂
影浮老子銜杯復何道阿珠一笑轉歌喉

同黃葆寅

際春

陳芝楣家藕船

乃廣

玉年

乃穀

自南屏至理安復游煙霞洞歸途遇雨四首

出郭眼如洗始知秋在空殘荷媚遠水搖搖影輕紅
靜女晚未嫁妝澹態愈豐南屏舊游熟樓閣了曾中
藍輦轉山曲草樹漸蒙籠微雲閣片雨中袂襲晨風
吹香滿山街行行繞桂叢

桂叢夫如何一村覆黃雪得毋月中子吹落此巖穴
沈吟小山徒誰歟招使出登山山更幽度礧礧屢折
茅亭塞山空去四面翠如潑名利例多竹娟娟可憐
潔老樹飽暑寒幾經人代閱撫樹有所思風前耿如

噎

山僧迎面笑客愁復奚爲招我二三子導客杖一枝

石磴盤盤上有閣最在危請君此宴坐暫息妄念馳
乳泉膩于玉一啜忘所知山外忽無地山中偶此時
不須天雨花何異須菩提

山中日易晚鐘聲送歸客愛山情未已戀此衣上碧
聞有煙霞洞歸塗更登歷峯作廉貞形稜稜露石骨
洞可容百人何年鬼工劈陰風颯然來雷雨生咫尺
微茫認壞塔雲氣滃翠壁沾濡亦不辭清暑去可惜
吾宗擅繪事點染出新格徑煩寫作圖長空畱雁蹟
過九能夜話觀寶鼎二年甄

禿樹戴殘月幽居戶未扃論詩傾耐碧堅坐對鐙青

卻覽遺甄字重陳霸史聽爲歡彌冷澹霜柝夜深停
題寶鼎二年甄字

寶鼎經今千百年一甄文字不曾湮玉魚金盃知何
處山下人耕古墓田

呈德清何藜閣

太青

明府時明府議建輝山塔

腹水衣山斗大城山殘水駛了無情眞如葛屨唐民
陋端賴鳴琴漢吏清畫虎禦風元有術聚沙作塔豈
難成要知保障無窮願聽取諸天讚歎聲

南高峰

一徑上青冥層闌俯列星已看天甚近莫道佛無靈

江影茫茫白湖光靄靄青從來高絕處寂寞少人經

禰正平

正平惡阿瞞瞞亦惡正平丈夫意氣別不死焉成名
各負千載奇俱垂萬古聲鄙夫與小儒何用繫重輕

懷九能

吾愛嚴夫子雄談利若刀骨從貧後傲眼向冷中高
病乏三年艾誓窮千兔毫平生飛動意無奈臥江臯

獨坐書懷

春花秋月迢迢去女嫁男婚得得來迴憶兒童騎竹
日便如仙客在蓬萊

金上才秀身卷八
七
妄心如草不能刪了一緣如過一山箭鏃磨來多少
日祇憐無處覓三關

中年精力漸難支病日多於不病時往覓良醫治
我病卻逢病者就吾醫

說劍譚詩眼未花臥聞門蟻厭喧譁蕭閒三徑無人
共枉說城中十萬家

眼病

眼病癡觀書清宵一事無餘寒猶冰足枯坐似拈鬚
學悔從前雜謀真老去迂百端俱懶惰未免愈繁紆

題張太守船山問陶詩草

光芒煜燦騰戶庭靈風肅肅几上生一編突兀船山
草使我夜半心魂驚船山吾未識船山論詩吾不憑
誦到船山佳絕處廿年惆悵空聞名一代詩才指可
屈黎黃孫洪皆傑出筆底尋常迴萬牛眼中往往無
前哲如君真足與之敵丈夫磊落寫曾臆那屑旁人
說詩律寶玉何須苦琢磨明珠自是生圓潔可中亭
事亦足傳暗鬥蛾眉意奇絕可憐詩人就黃壤花草
三春氣紆鬱萬里神光何處尋要離豕畔團團月太守
客閭門密蓄一妾於其夫人遊武邱時故使相遇夫
人弗覺也太守紀以詩云秋菊春蘭不是萍故教相
遇可中亭明修雲棧通秦蜀暗畫蛾眉門尹邢梅子
含酸都有味倉庚療妒恐無靈天孫冷被牽牛笑已

向銀河
露小星

白公祠探梅

梅花雖未開香氣已暗洩東風吹斜枝如有影明滅
隔湖山黯澹釀雪在空闊相對耐清寒晚來人迹絕

題王獻小竹里館圖

我記司空詩俗人那勝竹又憶東坡句無竹令人俗
王君偶募人築室傍巖谷緣坡植修篁照影鬚眉綠
風來戛清音若與幽吟續勝流時相尋畱連苦不足
王猷雖自矜未爲主人逐吾亦欲東耳徑就竹間宿

題新羅山人騎牛圖

軟齡飽秋蕪斜陽滿村外那因五色裘拋此烏犍背
在山爲牛口出山作牛後可憐爭道洛隄人氣盡尊
前別紅袖

五色裘見
莊子釋文

題奚

疑

榆蔭樓圖

菰城郭外詩人宅榆莢飄時綠滿樓冷笑元龍湖海
士爭如文酒擅風流

二月初三日同嚴少峰太守飲湖上嚴時罷官

閑居

峭寒頃刻變朝晴風竹蕭蕭作雪聲幾樹梅花飛已
盡一隄春水浪初平無端冷暖天難測如此湖山感

易生不有美人能勸酒落英滿地若爲情

雪裏梅花

一冬無雪又無梅春仲梅開雪也來只說花遲應待
雪豈知雪轉被花催

鑒止水齋對梅花作

拂面風尖怕倚欄繁枝方便隔簾看轉愁殘月神情
淡如入空山氣味寒畫作圈兒翻似易詩除雪字大
爲難獨吟獨賞懽彌永疎影橫窗到夜闌

幾生修到此清癩只許幽人歲晚俱蜂蝶飛來如俗
客丹鉛洗後見名姝愛花天作穹廬覆釀冷風還卷

甲趨好撥地鑪添楮更看梅雪兩模糊

梅花

一夜東風春氣酣萬花開徧小詩龕暗香向我心中
沁真色何人世外參半側恰如窺斫北橫枝都已過
池南巡檐且喜游蜂去自摘了叉帽底簪

風格生來太寧馨不同凡卉鬥娉婷香因有韻微兼
苦白到無痕轉似青殘雪千山何處夢活雲一片偶
然停小紅最憶當時月吹笛要子月下聽

家芋園刑部招同臯亭看桃花

佳約年年春好時東風柔艣出城遲桃花也似來迎

客早見生紅一兩枝

一月無如今日晴搖搖輕筵曳船行司家橋外東西
岸日炙繁枝刺眼明

翦彩成林絳作幃吹香弄影倚晴暉李花恰似貧家
女慘慘低垂白紵衣

蠶豆抽芽桑未穉泥香草軟麥初齊村姑挑菜行花
底黃鳥飛來花上啼

橋面憑闌望遠天萬花高下一規圓尚嫌心怯東風
大不到七孃子廟邊

隱隱青山露髻鬟髮邊簪得幾枝殷總輸碧水多情

思勾引花光不許閒

杜詩影遭碧
水潛勾引

春光欲覓本無蹤祇在紅桃翠柳中
一片花飛春便老
酒人莫放酒杯空

九人六百一十歲惟我于中最少年
比似劉郎纔到日
桃花前面敢稱仙

次韻荅吳蘭雪舍人

嵩梁

見題拙集二首

多年癩病謝衣簪藥銚相於作蚓吟
久斷求名彌勒想聊同起舞樂師心
和凝刊集人爭誚朱晝攀風意
自深祇恐去來聞見異枉煩鳳閣到山林

西江宗派見來稀邂逅星行駐素幃
日下聲名收獨

全上六齋集卷六
十一
早篋中贈荅論尤微五峰畫裏雲生袖九曲吟邊花
滿磯惟有湖山應悵望難將春色欸曹衣

重過假山館

入門蔽雲峰恍忽聞鶯效大筆懸柱間千古發遙嘅
神明想生存了不露衰態縱譚百年事一一如見在
丁杭諸名流迴看猶年輩晨星不可畱風雅就榛穢
盆蘭飄餘香曩日手灌溉魚耳鑪不陳定藝盃久碎
宋帖春攜來猶聞賞新隸春間公觀宗彥所藏宋楊賞新隸一帖痛淚
制仍落清言憶如對惟公閱世深斗室獨深耐心境
老更清一去定無礙說法在虛空恨我自聾昧

曩在粵東與韓文旭亭孫三平叔林天哲侯遊
黃浦登市舶桅樓舶主雖語言不辨而賓主
之禮甚勤哲侯攜琴鼓水仙操意似解會顧
左右耳語頃之蠻奴四人至分左右立兩腋
各挾一鼓交絡於肩揚槌互擊疾徐盡態忽
爲天風海濤之音洶湧澎湃迴薄萬里怒帆
破浪超踰騰疾聽者形神激壯亦夷樂之妙
致也丙子冬夜不寐聞風聲振撼園木偶憶
及此以詩追而紀之

海神祠外水連空攜酒來游有客同雷雨忽聞天外

至蠻奴搥鼓海潮中

睡起放言

我非經生家胡爲著膩顏恰逐鄭車我無干世志胡
爲懷中乃有正平刺仰空咄咄還自笑學道無成念
顛倒夜來夢挾兔園冊低頭疾走長安道長安貴人
不見省坐覺天高此身小人生何者須讀書讀書爲
名僞且愚擾擾與俗爭得失不如隨分耕田去

哭汪漢郊

昌黎譴瘡定成虛一病千愁不可祛心爲衰親難遽
死橐無遺允亦空儲百年過客誰圓夢三界它生莫

讀書霜月半棧風四壁暗蛩出弔相人獻

玉篇獨相人也

閔侏儒

咄咄林家子行年二十七頭面儼成人身僅二尺劣
四肢咸跛趾一背乃突兀想其軀幹勢盡於此中鬱
譬如百尺松益益受盤屈蹒跚行上階仰面見門闥
觀者皆絕倒我意深憐惻官師所不材嗟彼何罪孽
竝生宇宙間獨使人理絕頗能執鍼術可代女紅缺
終朝繡花鳥餽口聊自活乃知皇天慈不忍棄一物
何爲異類視傀儡等取悅幻形有去來宿業自生滅
修羅亦可憐海水不沒膝

落葉

青雲爭意氣夢不到衡廬落葉西風滿空庭流水如
易逢天上雁難得故人書牢落江楓外新知有老漁
山行絕句

白雲本自青山出卻把青山著意遮散作濛濛飛雨
去前溪流出碧桃花

相對無情恰有情一峯高插一峯橫老僧已厭山中
趣更向亂山深處行

遣興

塵世何人不受鞿鬪身所喜姓名微在山泉自生來

冷出岫雲知甚日肥學古防人嫌好事無求在我可
忘機鐙前兀坐思今昨彼此誰能更是非

東城晚步

富春園外路幽絕近郊垆鳥破寒煙白蔬連野水青
空林喧梵鼓危堞上秋星細數僧歸盡禪扉處處扃

短歌行

前樓竄黃狸後園長黃蒿鬼火飛上樹夜半訓狐號
主人在牀中展轉不得臥六氣沴何深九藏困無奈
窸窣階前葉爲我動哀吟百年心眼間憂喜亦奚任
大哉造物用變化莫能測萬物各相嬗所貴不知識

安知古賢達非我向來人安知螻與蟻不爲它日身
黃蒿亦可拔黃狸亦可逐彎弓射訓狐巢墮血出漉
絃歌揚妙唱嚴寒回春陽長壽如南山爲樂方未央

輓韓旭亭先生

山響樓頭月遙遙三十年詩人久黃壤一老尚華顛
積善膺多福揚名得大賢已看開九袞鶴骨遂飛僊

乾隆辛亥先生在粵嘗于九日招宗彥及二樵哲侯
平叔諸人爲粵秀山登高之會先生年最尊而二樵
下世已久故云山響樓粵
秀山道院額先生所署也

吳門衣帶水欲往悵先衰臥病思疇昔傳言半信疑
凌雲無可憾補處豈能辭溼落虛青眼沈思淚墮頤

題徐昭法先生山水小幅付延祢

先生名父子樓隱靈巖阿滄桑無限感寤寐矢弗過
丹青自怡悅歲月坐消磨寥寥尺幅閒清空月舒波
芳林潤晴靄生意溢煙蘿悠然世外味所得良已多
挂壁供吟賞可以祛俗魔閨中少遠韻對此意云何
孫郎讀書暇試倩作長詩

冬夜讀書

百事不罣念猶餘習未除挑燈當夜永短晷迫冬初
強以生花目重披掃葉書翻遭兒子笑熟此定何如
自去冬至今因病不曾作詩四月廿五夜大熱

夜漏將盡起行庭中殘月在天昇氣鮮潔口
占是章

如鉤月一痕曉色漸侵門新竹影猶弱高梧氣自尊
曙星方耿耿暗水稍泫泫暑覺今年早微颺與醒魂
八月十六夜月

屋山當戶望端正一輪昇庭宇色猶暗天中氣已澄
桂香如有待秋思了無憑莫惜浮雲掩浮雲亦豈能
哭巖九能

福慧如何不得并恩恩草草過浮生十齡四體書空
壯廿卷娛親錄僅成骨肉心傷餘宿業宦游志淡尚

閒名楊

秋室

汪選樓

此去如相遇高論應教萬鬼驚

九能十歲以真草篆隸書
于屏風見者詫爲神筆

眼昏齒墮我先衰豈料看君總幕開
痼疾猶思趙嘉起遺書難望所忠來
怕尋北郭敲風屋愁憶西湖對雪杯
中外弟兄零落甚塊然身世有餘哀

蠶豆

頃筐端合問蠶孃
莢屬南方此最良
餘潤陰分桑下露
好風吹送麥前香
登盤色與朱櫻配
飮座新借玉筍嘗
不遇廬陵楊祕監
阿誰收拾入詩囊

六月初四有感

冷澹幽花空谷晨
託根高潔氣含辛
老僧多事和煙
折付與砂瓶了卻春

關干

易簣前一日作

一曲關干映碧潯
推門瞥見落花深
玲瓏祇解藏疎
影宛轉還宜惜碎
金竟體神光歸小立
一痕衫影足
詩心峽中只覺森
沈甚雷雨宵來未可尋

絕筆

閒坐春風五十一
不堪歸去落花無
一枝拄杖沿山
遠流水孤雲釀雪初

鑑止水齋集卷九

德清許宗彥

詞

浣溪沙

舟行

看樣遠山看樣月漫空濕霧濛濛白柔櫓秋江搖冷
碧筠篷徙倚憐遙夕驚起棲禽聲磔磔一點疎燈
林外射

生查子

章江昏似夢短艇衝烟霧細雨又冥濛失却前灣路
抱膝自微吟靜聽灘聲怒敗葦亂西風寂莫秋光
暮

天香 烟草

玉醞靈芽霞含嫩葉相思種就仙草堆繡囊青浮筠
筩紫淺撥獸爐紅小停鍼暗吸看颺出柔情多少閒
傍雕闌竝立濃磨怕被花惱底事消磨客抱剔蘭
缸片雲低繞算是最縈情緒酒闌人悄半露萸尖小
握待遞與纖纖一枝好肯啟櫻脣幾絲翠裊

湘江靜

詠南漢遺事

冷螢流照昌華苑認淒迷玉階香篆金仙焰燼珠渠
水落賸荒涼蒼蘚開遍小南強降王長也應羞見羊
頭二四龍鞍九五亡國恨付三嘆據偏方窮侈酒

笑官家洛州頻換樓羅注歷要銀買醉更紅雲開燕
看一翦芳馨知何似箇人嬌倩宮魂怨否無情皓月
興亡不管

菩薩蠻

夜坐君子亭

枕根葉暗簷牙暝隔花時見流螢影坐久夜初涼蟾
光正到牕水晶雕作枕眠夢翻難穩何處玉笙吹
天涯有所思

霜天曉角

驚鴻翩若花影輕紅掠底事回身含笑銷魂處闌干
角芳心先自怯故將衣帶掐還被曉鶯偷見千金

意莫虛擲

滿江紅

鎮海樓次孫平叔韻

峰巖南禺控海島飛樓千尺憑作鎮離宮
鷓鴣火拱環太乙簾捲羅浮山外雨窗低
島嶼烟中船傍青邱萬里鎖巒雲平如席
大夫陸空游跡老夫趙曾清蹕賸呼鸞
故道古苔如簣過客登臨豪興發雄詞憑
弔英靈出試倩人摩笛譜新聲能穿石

洞仙歌

寄平叔

鶯黃喚曉又一闌紅雨無可如何送春去
下虛庭竚立送盡征鴻誰會得脉脉此中
情緒題襟畱墨瀋

和遍蠻牋杳杳魚籤總無據
刻意杜司勳傷別傷春
應盼殺江鱗雲羽但看取
庭柯變丹黃定一棹江南
訪君秋莫

清平樂

落梅

冷煙淒碧吹徹江城笛
漠漠蒼苔殘月白
夢醒玉人無跡
情知小別還逢流光忒
怎匆匆可奈翠禽枝
上聲聲只怨東風

河傳

南歸

歸燕洞房春晚一片飛花
佳人無語怨年華
香車嫁誰家
芳容怕逐韶光
莫微波露更被東風妒
瑤裙

摺疊縷金箱空牀清宵細細長

菩薩蠻

迴文

綠烟疎柳高隄曲曲隄高柳疎烟綠斜日噪歸鴉鴉
歸噪日斜倦游憎道遠遠道憎游倦紅袖漫牆東
東牆漫袖紅

浣溪沙

茅屋疎林入畫圖平蕪天遠片雲孤遙天山色澹如
無隴上風低宜打麥村中酒熟勸提壺斜陽緩轡
問征途

雙雙燕

廬州逆旅見燕

柳花滿店掠雙尾翩翩杏梁泥冷主人甚氏不辨舊
時高姓秋去春來有信便似客憐他無定那堪獨客
天涯一宿匆匆難穩 晴永蘭櫓藻井曾占得雙棲
競誇紅影香簌剪爪記傷那人妝鏡應是巢痕不省
偏耐受花殘風橫悄然懶接青蟲凍立畫簷愁暝

水龍吟

白蓮

無情不嫁東風亭亭冷瀉圓蟾影明璫墜露綃衣卷
雪陸池開並付與詩人晶盤長對曉珠風定莫香簌
比似粉胸綿手怕唐突冰姿淨 底事嬌紅退盡向
鷗邊暗催秋信搖涼送暝翠雲一片鏡中難認止水

澄空過雲縹緲禪心孤映傍迴塘幾曲酒痕吹了倚

闌干醒

崔珣詩粉胸
綿手白蓮香

南歌子

柳絮

似雪飛難定如烟颺更空團將春恨一重重付與小
心風送繡簾中 芳草黏來碧殘花冑處紅又隨蝴
蝶過牆東却似天涯浪子去無蹤

蘇武慢

帆影

淺掠平蕪低籠寒水夕照暗移蘭渚層陰羃歷遠樹
淒迷幾度畫欄愁誤如有似無空外霏烟鏡中藏霧
借好風輕送迴汀徐轉晚峯青露吹徧了歷歷天

涯依依芳草忘却那回南浦傷心最是曲曲屏山夢
逐冷雲飛去甚日歸來卷起秋痕拋殘春絮放一江
明月付與蕭然白鷺

金縷曲

峽江秋泊

秋意憐遙夕碇輕舟峽流深處亂峰欹仄古寺鐘聲
來斷續起視江昏月黑渾不辨山青水碧幾點稀星
天上嵌照彎環一片傾濃墨如此景畫難得浪遊
幾日能休息便算做雲中鴻鵠也棲倦翼十度往來
成一笑剩有新編泊宅但別思平填胸臆寶枕紗廚
秋透了料無眠一倍宵長極拚醉倒莫空憶

臺城路

舟中聽雨

秋陰漸覺炎氛退遙山淡如人意竹外闌干花前簾
幙幾日評量秋思一庭雨細記翦燭同聽吟情清寄
漏咽銅籤翠帷高卷冷于水而今江上棹艤望高
城不見目極千里碎滴波聲頻催碓響釀作惱人滋
味夜深獨自拚消受淒清欲眠還起冷壓孤篷萬山
幽夢裏

又 衢州中秋

黃昏風雨橫山過須臾四垂雲散極浦生烟層霄斂
彩圓月剛浮天半清輝試數問歲歲今宵幾回曾見

最是秋中冰輪怕向碧空碾
平橋人散宋宋舊遊
堪憶處垂楊千點酌酒船頭飄香雲外客意秋光俱
遠閒情漸減又太末城邊縠紋溪畔振篴誰家倚闌
紅袖淺

百字令

中秋渡鄱陽湖

佳哉秋日護長空不動晴雲堆繡浩渺平湖新漲闊
剛有人來雁後寫笠天圓落帆風細萬頃鞞紋縐輕
搖柔櫓白鷗無數回首 試望天際遙山黛痕隱隱
掠長睂初就表裏虛明秋一色涵影琉璃滄透輟棹
中流危檣縱目清氣彌空宙宵來圓月十分看取如

畫

卜算子

秋水夜波明寥落星河靜一片烏雲玉鏡寒中有魚
龍影 細雨止還飄薄醉眠仍醒時聽橫江斷雁聲
葦岸西風緊

江城梅花引

七夕

滄雲幾葉逗疎青露泠泠月泠泠下了瑤階死語拜
雙星人正不眠更正永碧天遠點秋光到畫屏 畫
屏畫屏少年情愁漸生酒漸醒望也望也望不見鵲
駕輜輶惟有穿簾花霧噴中庭多少世間兒女子心

上事有天孫仔細聽

秋霽

七里瀨

朗月層雲正雨洗新秋疊嶂澄碧瀨曲分山林疎墜
葉石痕澹如江色夜闌人寂冷波倒影深千尺算此
地惟少翠岩幽處佛廬闢更想曩日赤伏中興故
人何意垂釣危石爲高名三公敝屣荒臺千載仰遺
跡如此江山渾占得但後來者臨風試賦清詞倦遊
還感羈心秋積

齊天樂

題李白樓小石梁筆架圖

片雲吹向幽岩墮文房笑添珍祕繡翠玲瓏生烟縹

鍾此乃蘇軾詩
七
縵硯北一拳孤倚吹窗雨細看潤逼滓如香黏筆堦
漫說開元錦文花石可能比晴虹隱隱初駕單椒
青未了跨空如帶莫是當年暗中惜別巧寫仙源偷
寄詩人推美道願把珊瑚但誇殊麗試展新圖絳霞
光滿几

又雪

萬家山郭迷宵晝沈沈絮雲低壓凍雀無聲炊烟不
起一霎玉鱗堆疊衝寒正怯儘曲巷深封料無人踏
掃入花甕一甌自與素心愜千珠交映帝網漫空
誰碎翦飄墮塵劫氣接高寒光生縹緲人住仙家宮

闕春紅遠隔但冷沁梅花暗香偷泄放下重帷夜窗
深貯月

木蘭花令

友人約往臯亭看桃花風雨
未已綠英隨波悵然有感

夢入梨雲寒靜晝暗裏韶光歸去驟尋別浦暫勾留
綠波肯浣新愁否 杳杳流紅隨水逝中有當時離
別淚不須錯恨嫁東風一生自了三春債

氏州第一

南徐懷古

波卷斜陽東流浩浩銷沈王氣終古塞雁啼雲江豚
吹浪閱盡興亡且莫北府精兵問可記征西風度舊
事南徐都應付與冷烟淒霧 萬里長川天塹固甚

便使北來飛渡馬躍金山舟沈鐵縷纖手援枹鼓算
中興眞草草天心去英雄自苦有恨難平激秋濤魚
龍夜舞

摸魚子

夢亡姬

颺殘燈天涯孤館夢中何意逢汝生來未識長安道
誰送柔魂飛度攜手訴料定是暗中憐我相思苦顰
眉如故恁脉脉無言亭亭却立轉眼撇人去 秋宵
淚灑作秋窗飛雨雨聲牕外催曙十年前事依稀似
莫管醒來何處勸小住還錯認返魂眞到稠桑路尋
思無據只階下鳴蛩淒淒切切似共夜深語

又

寓居湖上偶一入城浹旬而返新
雨初晴綠萍滿望因填此闕賦之

不多時柳綿飛謝雙湖新綠如許南瀕采罷人歸後
誰把翠錢勻布風約住憑畫舸分開一道汀洲路平
橋遠浦有泛宅人過延緣半晌笑比客蹤聚連宵
雨花外聲聲柔櫓暗中春已歸去惜春怕見流紅杏
圍得碧天不露騷士賦還應共綠陰青子傷遲暮前
衰少女把九子芳名閒調中婦纖手試拈取

更漏子

晚過平江

素秋深明月滿舟過香鱸亭畔漁市散暝鴉歸人家
掩竹扉拓筠窗開玉釀斟到杯中月上雲葉淡露

華濃帆飛鏡影中

風蝶令

追憶

秋雨銷香篆秋風冷畫屏
亞枝花不禁飄零追憶燈
前往事夢難成無意翻多
惱思深轉未平黃金縱
使買娉婷難買年時一種
好心情

暗香

入春以來積雪連朝友人爲雪中入景詩并繪爲圖余因各系一詞庶幾兼詩情畫

趣而一之入景者草堂村舍妝閣客舟僧寺溪橋漁蓑獵騎也

杜陵茅舍訝清寒
特地簷光如瀉卷起翠帷素月平
鋪照春夜遮莫維摩
宴坐儘消受天花飛惹暢好是
白澱空堂呵凍結吟社
低亞小閣下有竹外一枝

冷豔交射妍辭恣寫清沁肝脾少塵話更憶故人來
否山徑滿衝寒應怕拚酌茗聊代醉鑪香燼也

草堂

疎影

豐年積玉聽雅娘咒歲凍樓牆角早起開門汲徑都
迷壓徧千畦寒綠龍鍾破帽籬邊立指點認村南村
北記隔鄰新窰茅柴不見酒旗斜矗喜說遺蝗入
地小兒趁隊去戲揆弄掬莫是呼龍島上耕烟種出
離離珠粟斜陽吹影明還暗認屋後青山幽曲問誰
將凍竹重重付與仲先眠熟

村舍

綺羅香

瑩曉開林澄宵瀉月世界都成銀色捲起春風咽住
塔鈴聲寂認白毫朗照虛空宛珠網莊嚴拘翼恁枯
僧顏帶霜紅朝來獨掃戒壇石 璫花多少碎擲除
是觀來淨眼一時能識退院深寮封斷白雲千尺問
禪心久已沾泥甚柳絮因風比得透寒輝入定同時
一龕燈影碧 僧寺

渡江雲

亂雲低四野隔溪路杳風緊玉成田一痕全失影幾
曲荒洲極目冷光連初蟾影澹剩彎環半魄難圓問
可有當年高韻著屐到梅邊 孤山苔枝弄色鶴羽

傳香怪行雲不捲都隔斷虹腰似夢臥柳如烟祇餘
冷雀飛還啄怯晚風多傷闌干春色遠幾時來往遊
船

溪橋

洞仙歌

瑤臺十二寫遊仙新幘祇有星妃恰相稱任千重飛
絮拂柳縈梅吹不上兩頰潮霞初暈梨花幽夢醒
欲理晨妝生怕牕前曉光映昵枕費尋思篋下愁雲
平堆起年年離恨恨後會無因怨陽春儘闕倚薰籠
撥殘紅印

妝閣

滿江紅

風急天低把一片江關吹暝孤村外參差粉堠望中
難認酒醒依稀殘月岸夢迴埋沒遙山影記年時思
共絮爭飛歸心迴漫漫去寒塘徑深深積筠篷頂
爲伊盼斷了故園梅信戍鼓無聲迷夜靜峭帆不動
和雲冷誤玉人幾度拂貂茸闌干凭

客舟

壺中天

川原縞素閃元雲一點蒼鷹呼起踏碎瓊瑤千萬頃
駿足風馳波靡長箭雙穿短衣徒博血灑寒郊紫東
丹呵筆寫成雪獵圖子日暮鏡吹歸來朱旗高捲
鞭拂林花墜縞鹿銀麋都撥盡無數橫梢鞍背壯士

長歌將軍一笑飛騎觴行醉茸衫氍帽畏寒眞小兒
耳獵騎

南浦

野曠凍雲停認參差人影雪花交舞瘦笠太禁寒斜
橋外幾曲紆迴行去玉樓粟起東風巧爲裝瓊絮疑
是平沙涼月滿孤雁襍襍毛羽晚來急點續紛看
一霎桃源翻成銀浦萬徑少人時空江上畫出天然
奇句微茫古步前村沽酒歸何處只愁一夜船頭重
壓斷絲絲烟縷漁蓑

滿江紅觀潮

海立雲飛恰補了青山山缺纔一霎白龍橫過驚風
噴雪強弩波沈當日鏃空幢雨洗前朝鐵賸寒濤寂
寞打城回誰雄傑 錢復趙吳還越降王淚忠臣血
向斜陽流出蒼涼嗚咽萬馬秋屯沙岸水六陵夜徙
荒郊月對江山滿眼感興亡吾能說

水龍吟

空齋獨坐焚香鼓琴爲石上流泉之曲
因憶往時游峽山寺坐亭子看瀑布灑
然欲忘人世清境既遠乃于琴中遇
之心神閒暢蓋有不能已于言者

冷然滿指秋聲曳空瑤佩丁東轉霜寒石滑苔荒磧
澀乍流還咽絡索珠圓噴沙玉碎七絲吟徧正竹爐
香裊蕭齋人寂天風送流雲遠 忽憶蒼江翠巘坐

瓏玲危亭山面歸猿嘯暮銀河飛瀉生衣曾濺激石
忘還握蘭招隱此情何限向者番弦底沉思依約舊
游重踐

生查子

簾押晝長垂曲几瓶花吐燕踏紙窗殘爲倩春風補
粉鏡曉妝完纖手拈琴譜一自阮郎歸人誇好眷

無

醉太平

題陶鳧香客
舫填詞圖

鴛湖水香錢湖月涼牽船閒傍垂楊認柔條短長
老仙一姜中仙一王新詞試譜宮商付臯橋泰娘

踏莎行

章江旅泊

怒浪雷奔輕舟葉舞雲昏江面疑無路那能弱纜競
西風歌聲試聽公無渡 賣餅船迴擔柴人去山前
墟落遙知處誰家古步繫蘭橈馬纓一樹籠寒霧

霜葉飛

水輪

溪流蹶縮囊沙擁支分一道回曲阿香歸去剩空車
交付驚濤蹴竟日轉槎枒輪輻短蘆密密衝波速看
注水筠筩早瀉出跳珠萬點隴首飛瀑 每歎龍尾
能升玉衡自運泰西水法誰學差近自然還遜此更
不煩機軸恍春盡家江篷屋呶啞緯籟鳴相促趁颯

颯西風急驚起沙鷗水邊新浴

暗香

盆中蠟梅

一棱凍月逗微黃竹外暗香徐裊蕊斗催開山麝濃
熏弄春色芳信江南寄與怕浮沉封書圓帖待夜久
蠟淚凝盤幾點襯殘雪道骨更清絕記乍換羽衣
承恩時節暈檀膩纈金屋巫雲妒明滅長憶新妝竟
後吹喜氣睂間初徹正隊隊蜂過也莫教誤折

水調歌頭

題汪絳人雪浦歸帆圖

殘臘放歸棹飛雪滿羣山試尋江上何處祇見萬瓊
田憑仗峭帆一點曳破冷雲千疊驚起玉龍眠目送

暝雅盡孤迥客心懸 春申浦蘆子渡渺魚天往來
底事乘興何似子猷船可惜長風引去一任梨花夢
斷荒漵漲春烟好手倩摩詰寫入畫圖看

秋風清

閨怨

秋風清秋水澄水底楚天遠思君空復情荷花紅死
見蓮子藕絲不繫波中萍

賣花聲

霜意釀尖風凍月朦朧流蘇複帳獸香烘記得貂茸
親手解釵溜鬢鬆 客路一江中悶鎖寒篷相思題
徧尺金封獨自添衣深夜坐酒醒愁濃

慶春澤慢 早春對雨

似水牽愁如塵屑恨風前化作絲絲說甚春來春還
遠隔天涯遙山都帶傷春意倩朝烟鎖住雙睂浣蒼
苔一片梅魂幽怨誰知 鈿車慢記當時事怕淒迷
舊徑冷透臙脂幾曲雕闌黃昏和夢輕吹峭寒不啟
葳蕤鑰睡厭厭耽閣芳時更樓頭染徧楊枝添倍相
思

清平樂 題江湖載酒集

東華供奉一旦聲名重聽到隔城鍾乍動喚醒柝
春夢 空餘千首清詞靈心鏤玉雕脂七品頭銜到

底憐才況是當時

浪淘沙

莫厭酒杯銜街鼓統統月兒飛上簇金衫照影霜華
涼欲顫已是秋酣吹面緒風尖放下珠簾玉琴奏
罷貯深函尚有餘音聽不盡流水空巖

浪淘沙慢

和清真韻

輕寒惻風橫江渡雨暗城堞村店雞鳴促發新詞欲
譜未闕問東竹迴腸誰縮結歸思緊大刀頭折想聽
到啼鴉送春去高樓正愁絕凝切客程直恁寥闊
把鳳想鴛情難拋處付與鈴語咽怎不悔當初作箇

輕別筆花未竭問甚時吟徧闌干秋月魚素槭開蠻
箋疊塵鞍解郵亭小歇夢雲遠蟾蛾圓暫缺拚爛醉
睡斷風光惱眼色楊花撲帳團成雪

鷓鴣天

桃城旅次

十日濃陰黯不分蟾光一線忽窺人好憑玉魄冰輪
影淨掃朝雲暮雨痕沽村酒酌山尊安排穩睡息
羈魂開門起視遙山曉定有紅霞擁日輪

後庭宴

章江舟次

三里霧痕百重烟靄迷濛山水真如睡天公何事學
人愁一秋天氣長憔悴迢迢別後心期杳杳雲山

千里暫眠長醉生計荒江裏敗葦戰風來冷螢啼月
起

清平樂

過梅嶺

秦關漢塞天設陽門界萬疊青山分向背中有白雲
如海 降王宮闕飛灰美人香冢塵埃一度梅關回
首真成海角天涯

南浦

爲姚柳衣題春闈東玉圖

冶想寄丹青認箇儂當日風流看遍寬窄慢商量銷
金樣只許冬郎偷見承雲欲試應憐太瘦雙鉤淺回
首芳塵弓印暗空對畫屏畱戀 綠窗曉景清妍正

竹影窺人花香惹面蕙帳卷流蘇嬌鬟睡起心情
誰遣春痕款捻如霜隱約凌波遠昨夢分明還記否
入握重臺紅軟

春風嫋娜 春雨

織冰綃千帳護住春魂籠細霧
浥輕塵問東風甚處釀來幽夢
冶思無限吹作癡雲似密還疎
將斜復整放下珠簾看未真
最是江南好時節賣花聲到隔牆
聞閒殺紅牕繡戶微寒尚噤香篝
潤錦被空溫銀箔掩畫屏昏挑殘
綫影銷盡蘭痕心上天涯和愁颺
徧看邊山色帶淚描勻難尋芳
信賸朝朝莫莫清

冷冷刻意傷春

調笑令

鈴語鈴語催送行人歸去山程水驛漫漫北馬南船
往還還往還往各自一般惆悵

洞仙歌

銀灣鵲駕量歸期今夜玉鞭輕拂五花馬算燕齊過
了路入淮南秋正好一葉輕帆南下闕干知劃徧
甲子翻新又見初三月兒挂何處可淹畱忘却臨歧
一句句丁寧密話又豈料行人隔河梁空望斷征雲
不能飛也

木蘭花慢 十月中返德清作

亂雲低大野霜意緊近嚴冬趁郭外小舟遙尋歸港
却遡回風十里冷光凝莫寫無邊幽思入長空東洛
緇塵乍洗江南紅葉初濃 長隄一線切波中波影
卷驚蓬看刈後荒塍枯莖朽穗都委寒叢孤坐聽風
聽水恍年時殘夢閣征篷荷葉鋪前遠近五林村路
西東

齊天樂

孫松里招飲湖上卽送陳厚甫同年還吳

者番新暖春將莫招邀踏青時節淺碧生陰嫩晴添
黛襯到酒鱗紅疊歌雲散纈向曲岍停橈緩消斜日

三月湖隄風光付與酒人說
長安追數舊雨羨驚
坐才名西麓詞筆花信還餘鶯聲未老莫便離亭催
發晚來風急看飛雨霑衣替人傷別後夜相思綠波
鷗夢濶

清平樂

自題詞集

經神史聖無此人名姓一片西湖烟水冷誰向鷗邊
來問東風獨立閒庭斜陽芳草心情倚就新聲自
唱飛來燕子雙聽

揚州慢

書哀江南賦後

跋賊臨江眇王斫柱南朝千古傷心賸清新詞筆蕭

瑟寫生平正滿眼臺城歌舞一宵春夢換了刀兵甚
長星下掃金陵又接江陵珠盤未定早河梁不返
蘇卿縱幕府賓游華林侍從難遣愁情故國哀吟莊
舄人間世身在堪驚想閒嘗都蔗吹笳還怯邊聲梁

先夢山東牧守以地來降侯景表至適符所夢
庾開府守城日有流矢至方食甘蔗應聲而墮

東風第一枝

春雪和梅溪韻

飛不成團飄還欲散芹泥潤處融暖好春遇閨稍遲
薄寒禁花尚淺隄邊陌上輕壓住麴塵香軟誤那人
鏡裏窺鸞暗點綵旛銀燕窗乍啟暈生雙眼風乍
定冷凝半面平添夜色鶯林漸催曉芳兔苑生煙玉

暖且莫放初陽如線還勝他冷月交光十二玉臺相見

玲瓏四犯

題汪至山兩孺人遺照

此恨難平問鏡裏雙鸞何苦春短玉琢連環翻結舊
愁新怨叢殘蓋篋珠鈿伴錦瑟歲時淒戀似梵仙兩
手都空拋落合歡花片畫圖彷彿呈花面認良緣
尹邢同見生綃倘許離情訴知向誰深淺猶賸熨體
冷香還又悵長安天遠愛海層波送難消幽夢秋風
長簾

西子妝

次姚萑華春日游湖上感賦韻

水媚歌珠雲愁醉玉多少冶春年少故將閒恨惱風
花妬青袍滿隄烟草鶯兒嬌小任坐近蘭橈恰好一
年年漬酒痕襟袖年華過了垂楊沼有客憑欄遠
意翻折倒傷春極目送斜陽隔遙山一重青窈鐘聲
催棹愁正似飛紅難掃鏢宵來香夢紋窗了鳥

沁園春

紅白牡丹扇頭

暖玉烘霞嬌雲染玉名花洛陽正繡被初堆一叢並
艷齊紈乍製雙管生香小滴胭脂徐調鉛水收拾東
風袖底藏清平調認趙家姊妹競倚新妝閒時摺
疊羅囊便引得游蜂相趁忙記步障低圍茜裙遙妒雕

金一不列多分二
三
關薄莫翠袖同滄淡不勝春濃如中酒算品格多應
第一芳丹白想便商颿來也忍弃空箱

金縷曲

寄葉紫畦閩中

竚立江天莫看一繩曳破春空歸鴻低度月滿秋潮
連岫白記送畫船東渡賸歷歷青山堪數麗句猶藏
懷袖裏盼隴頭芳信經年誤可爲我一迴顧種香
已滿南臺浦想朝衙庭陰吏散自吟蘭露搔首但縈
離索感惆悵苔岑非故有往事千重誰訴蠻雨蠻烟
華萼映只嬾雲一片依僧住更甚日共清醕

蘇幕遮

題汪絳人滄江虹月詞

夜行船江上路滿載清詞妒煞閒鷗鷺爲問青谿愁
幾許流盡春波不把鉛華洗 小紅歌仙呂譜橋冷
虹腰風景還如故丸月有情吹不去移向瑤箋照出
銷魂句

鷓鴣天

題友人春雨齋圖

乍煖蘭皋籠碧陰高齋幾日雨如塵犀簾潤透鴛鴦
錦山障香銷玳瑁雲 紅瓣膩綠絲鮮一重花柳一
重烟士衡樂府應年少更寫江南三月天

甘州

春日過滄浪亭

趁閒雲一片過吳閫偶訪古園亭正草回舊碧水添

宿雨枝轉新禽欲問歐梅遺墨奈半已銷沈散盡名
流後復此登臨 暑數繁華當日有元戎小隊公子
羽簪賸空廊薜篆影綠入池心自佳人踏冰西去算
幾番興廢到而今迴闌外柳絲如夢閒殺春陰

東鄰
嬌小

女騎虎踏河冰
南唐時識也

蝶戀花

盤門外人家門前見新柳

瞥眼風光渾不異一翦輕黃約畧看痕試絲弱不禁
簷外露春光怕見來時路 長條綰得離人未學坐
黃鶯不穩還飛去消受幾番晴又雨誰家店裏飛香
絮

南浦

賦西湖柳浪和姚筮華韻

踈地柔條舞恁東風搓得綠波成縷新漲一重重春
陰遠吹盡六橋烟雨闌干倦拍靜來著个黃鶯語暗
送芳華容易莫賸把小桃紅洗催他陌上鈿車等
無情流水一般歸去雲影乍高低斜陽外湧出花無
重數翠痕不定翻新十樣修眉譜目斷蘭舟何處是
難與片帆爲主

同作

梁德繩

水暖熨鞞紋怪無端揉碎澄湖千頃鏡影倚嬌酣
魚龍舞一搦纖腰初整飛花滾滾爲誰催作春陰

冷便擬扁舟從此去早有桃鬟相等
幾番皺損柔蛾誤天涯蕩子萍飄難穩
幸自不知愁凝妝竟莫向翠樓輕打黏
天膩綠添他南浦魂銷盡待得
晚來風乍定吹雨濛濛愁暝

月華清

訪友人不遇步入紫霄道院寂無一人
壇後老樹十餘章虧蔽日景涼風暗度

門外湖光與山翠相映
徒倚久之漫填此闕

隆暑侵肌濃雲擡眼花宮恰在松頂白鳥窺人引我
步穿巖磴認欲雨不雨山痕帶半晦半明湖影高迴
坐一枝樹下石壇風冷 但是丹房深處便不見神
仙也添幽興擬借桃笙小臥待他烟暝怕難浣愁外

熨襟易惹向夢中塵境試聽又飛來何處一聲瑤磬

長亭怨慢

題梁衣傳離鸞入夢圖

正窗外酸風裊葉夜掩重門斷無人跡未冷燈心慣
圓殘夢向空濶比肩如昔渾不記長相別別恨已茫
茫又一霎芳魂招得淒切聽秋蛩自叫叫醒滿庭
涼月彩雲去也認牆角花枝明滅定不奈錦瑟驚弦
漸消瘦樊南玉骨勸且讀南華莫更宵來重說

燕山亭

曲曲回廊曉起趁涼細步斜通蘭徑頓面乍逢小側
濃鬟未洗睡餘紅印行入珠簾又隔斷玲瓏倩影重

認只屋角幽花尚畱嬌暈 聞道雌蝶雄蜂向一樣
卑枝暗催芳信鏡水描香屏山畱夢併做半牀幽恨
判懺前因奈愁思瞢騰難醒休問春去也不堪重省

高陽臺

滿雪絲殘蓮泥印杳翠荷又已田田止隔銀灣便教
望斷長天春風不恨吹花盡恨吹人小夢難圓又禁
他幾夜清愁換了華顛 鴛鴦自愛雙棲穩誤依依
絮影飄向誰邊聞道羅裙近來不似當年當年繡線
知何處料無緣再見萸尖記相思一翦衣香一寸吟

牋

浣溪沙

可是情深欲語難
萬千心事隔重山
那回並坐到更殘
蛛網黏絲香未穩
雁燈風定淚初乾
那回並立倚闌干

又

香滿簾櫳花滿茵
笙歌閒鬪玉精神
十分明月十分春
淥酒剛容分半面
紅桃恰與寫全身
一回相見一回真

清平樂

題禾中閨秀琴韻樓集

吟殘囉噴冷到吟
牋鳳欲問華年
花短夢二十四番

風送彩雲自返仙山一襟芳思難刪高閣春留世外
瑤琴響在人間

臨江仙

借內人自雲樓至理安寺

出山還又尋山去石林深處徐穿梵宮高峙與雲連
禪窗當面禮碧一峯圓香界數來無此靜閒階盡
日僧眠箸菴謝後剩空筵似傳密語一滴石中泉

念奴嬌

吾邑文明塔側舊有小閣地敗久矣里人相與新之冬中返里舟過其下寓日

感懷
然有咏

峻嶒壞塔閃初陽下有飛樓飄縵手拓窗櫺擡倦眼
迎面峰巒皆好木落擎風江寒碇影霜氣澄清曉絕

無人到此問容我長嘯
爲想人物當年東鄉諸沈
占才情多少依舊溪山無限秀俯仰徒深幽抱禾黍
縱橫樵漁星散一角荒城小琅然簷鐸白鷗飛去烟
杪

倦尋芳

題梁弓子惜花圖

淚痕洗雨夢影驚霜愁緒難翦慣惱閒情可奈陰晴
千變錦幄曉探雲冷暖金鈴晚護風深淺費沉吟怕
春光一去瑤情天遠 算那處最關心眼看到辭枝
無計畱戀百寶迴闌贏得淒迷誰見不分清狂蜂與
蝶料難分付鶯和燕最銷凝染餘香舊時庭院

滿江紅

落梅同巖九作

一片蒼苔是歲歲曾埋玉英疎竹外雪痕輕颭簷宇
微陰酒醒難留仙袂住枝空猶有翠禽尋賸碧天一
幅研羅牋誰寫真吹簫侶東閣人賞前度悵今晨
對冷雲如夢細與招魂祇在隴烟殘月裏未隨絲雨
瀆芳塵傷畫闌叉手自沈吟風滿襟

意難忘

雨中淨慈禮懺

密雨如絲洗丹黃遠葉錯認花枝南屏山色朝來不
卷雲衣紺塔壞鏡堂歆舊事老僧提又豈知門前野
水曾照王妃千年也只如斯賸清鐘香閣古柏禪

屏有情天亦老無想佛成迷憑密語演真機烟斂暮
山低聽魚板一聲放梵又趁雅歸

好事近

與楚生夜坐

露洗兔華香涼入乳鵝衫葉竝坐看星河轉是誰家
橫笛 砌蛩只是愛鳴秋闌夜聲逾急不信瓊樓歡
晏酒煖歌塵濕

八歸

初夏湖莊養病偶至法相寺一老僧德清人八十五矣了無衰態頗歎余色力之弱

感賦
此解

桐綿糝砌荷錢鋪水天氣夏首乍暖珠簾一桁湖陰
裏還對六橋烟細兩峯碧淺勝地無多遊已遍祇老

去心情難遣，渾不似蠟屐當時興。共山爭遠，輸與
山中舊衲。清齋禪誦，不省年華頻換。一鑪香篆，一甌
泉乳，野鶴不如身健。却相看、笑問底事，龍鍾鬢霜滿。
悔從前、苦愛浮名，誤逐空花轉。

碧牡丹

憶三女作

觴展征篷，扇人散離亭。燕一霎分攜，便與秋雲同遠。
宵來明月，窺瑣窗、尋遍小山高樹。庭院恨無限。老
病尋歲晚，團團萬金難換。繞膝歡娛處，比夢痕還短。
甚日書來，聊慰平安願。西風料無南雁。